

## **3. LIGA 2ª DIVISIÓN SÉNIOR MASCULINA**

### **3.1. EQUIPOS PARTICIPANTES**

Este grupo estará formado por 16 equipos da comunidade autónoma galega e que serán os seguintes:

- Equipos descendidos da Primeira División Sénior Masculina «Grupo A» da tempada anterior.
- Equipos participantes na Liga 2ª División Masculina na tempada anterior, non descendidos.
- Equipos ascendidos á Liga 2ª División Masculina na tempada anterior de acordo coas normas específicas desa competición.

### **3.2. DATA DE INSCRICIÓN DE EQUIPOS**

Data tope de inscrición: 30 de xullo ás 13.00 h.

Todos os clubs que se inscriban nesta categoría, deberán ter inscrito ou vinculado un equipo Júnior Masculino.

### **3.3. XOGADORES.**

A data límite para dar de alta a xogadores nesta categoría será a do 28 de febreiro do 2020. O número de licenzas para esta categoría será dun mínimo de 8 e dun máximo de 12.

### **3.4. ARBITRAXES**

As arbitaxes serán AUTONÓMICAS.

### **3.5. FORMA DE XOGO**

#### **Primeira Fase:**

Os 16 equipos dividiranse en dous grupos de oito cada un (Norte e Sur) distribuídos por proximidade xeográfica (14 xornadas).

#### **Segunda Fase:**

Os equipos clasificados do 1º ao 4º de cada un dos grupos formarán dous grupos (A-1 e A-2) de catro equipos cada un e xogarán polo título, e os clasificados do 5º ao 8º conformarán outros dous grupos (B-1 e B-2) e xogarán polo descenso. O formato de competición será liga regular (6 xornadas) A composición dos grupos será a seguinte:

Grupo A-1

Grupo A-2

1º Grupo Norte  
2º Grupo Sur  
3º Grupo Norte  
4º Grupo Sur

#### Grupo B-1

5º Grupo Norte  
6º Grupo Sur  
7º Grupo Norte  
8º Grupo Sur

#### Liga 2ª División Masculina

1º Grupo Sur  
2º Grupo Norte  
3º Grupo Sur  
4º Grupo Norte

#### Grupo B-2

5º Grupo Sur  
6º Grupo Norte  
7º Grupo Sur  
8º Grupo Norte

#### Fase Final 19/04/20

A fase clasificatoria disputarana os equipos clasificados nos postos 1º a 3º dos grupos A-1 e A-2, cos seguintes emparellamentos:

2º A-1 – 3º A-2           (eliminatória X)  
2º A-2 – 3º A-1           (eliminatória Y)

1º A-1 – Gañador eliminatória X   (1)  
1º A-2 – Gañador eliminatória Y   (2)

#### Finais: 26/04/20

Os gañadores das eliminatorias 1 e 2 xogarán polo título de liga e os perdedores por 3º e 4º posto da liga.

Perdedor 1   - Perdedor 2                   (3º-4º posto)  
Gañador 1   - Gañador 2                   (1º-2º posto)

Os equipos que disputen a final conseguirán o ascenso a Liga EBA

#### Clasificación Final

A Fase Final A, establecerá os 4 primeiros clasificados da competición sendo a 1º o que ostentará o título de Campión Galego.

Do 5º o 16º establecerase segundo a clasificación da Liga regular.

Para establecer a clasificación segundo a Liga Regular terase en conta os seguintes criterios:

- 1º.- O equipo co mellor orde clasificatorio no seu grupo.
- 2º.- O equipo co maior número de vitorias.
- 3º.- O equipo coa maior diferenza xeral de tantos a favor e en contra.
- 4º.- O equipo coa maior cociente xeral de tantos a favor e en contra.
- 5º.- O equipo con máis tantos anotados.

6º.- O equipo con máis tantos anotados como visitante.

Para designar as sedes destas Fases a FGB a través do seu Comité de Actividades emitirá unha circular para a organización das mesmas.

### **3.6. ASCENSOS E DESCENSOS**

Ascenderá a 1ª División Sénior Masculina os dous primeiros equipos clasificados na fase final.

Descenderá a Liga de 3ª División Sénior Masculina os equipos clasificados no postos 14 e 16º, e o 13º se descendese un equipo máis da 1ª División Masculina, e así sucesivamente se os descendidos fosen máis.

En caso de producirse ascensos, descensos ou renuncias estas cubriranse seguindo a orde establecida no artigo 125 do Regulamento Xeral da FGB.

Se unha vez comezada a competición se retirase algún equipo ou fose descalificado pola FGB, a vacante cubrirase cunha das prazas de descenso.

### **3.7. DATAS DE XOGO**

Fins de semana correspondentes ás seguintes datas:

Outubro: 20, 27

Novembro: 3, 10, 17, 24

Decembro: 1, 15

Xaneiro: 12, 19, 26

Febreiro: 2, 9, 16

Marzo: 1, 8, 15, 22, 29

Abril: 5

Final: 19 e 26 abril

### **3.8. DATAS DE SORTEOS**

Sorteo Primeira Fase: 04 de setembro ás 17.30 horas na sé central da FGB.

Sorteo Segunda Fase: 17 de febreiro ás 18.00 hrs na sé central da FGB.

### **3.9. HORARIO DE XOGO**

Os encontros terán que disputarse nos seguintes horarios:

Sábados: 16.00, 18.00 e 20.00 horas e domingos: 10.00 e 12.00 horas e 17.00 h. ou 19:00 h.

Sempre que o equipo local estableza como horario de xogo as 10.00 e o equipo visitante así o requira terá que fixarse como horario de xogo o sábado ás 16.00, 18.00

ou 20.00, e domingo 12.00, 17.00 ou 19.00 horas, sempre que o equipo que se despraza o faga dende máis de 100 km de distancia , previa solicitude por escrito con, polo menos, 7 días de antelación.

O Comité de Actividades da FGB poderá fixar o horario das dúas derradeiras xornadas daqueles encontros que poidan influír na clasificación.

Modificacións de data, campo ou horario:

<b>Obxecto Modificación</b>	<b>Prazo Recepción</b>	<b>Conformidade</b>	<b>Cota</b>
Data	Máis de 1 mes	Si	00,00
Campo	Máis de 1 mes	Non	00,00
Hora	Máis de 1 mes	Non	00,00
Data	Máis de 15 días	Si	00,00
Campo	Máis de 15 días	Non	00,00
Hora	Máis de 15 días	Si	00,00
Data	Máis de 9 días	Si	75,00
Campo	Máis de 9 días	Si	75,00
Hora	Máis de 9 días	Si	75,00

Excepcionalmente e por causas de forza maior, a xuízo fundamentado do Comité de Actividades da FGB, este poderá autorizar algunha solicitude fóra dos prazos sinalados, sendo requisito indispensable para a súa consideración recibir na FGB o día da petición a cota de 100,00 euros e a conformidade do equipo contrario.

### **3.10. TERREO DE XOGO.**

Cada club participante deberá contar cun terreo de xogo oficial, que estea catalogado como NIVEL 1 dentro da Normativa de Terreos de Xogo. Non se admitirán en competicións aqueles equipos que na súa folla de inscrición non o fagan constar.

Nos encontros nos que participen equipos que realicen desprazamentos e en caso de suspensión do mesmo por inclemencia atmosférica ou por calquera outra causa, este deberá celebrarse, obrigatoriamente, dentro das dúas horas seguintes á marcada para o seu comezo. Así mesmo, se un club ofrece como cancha reserva de Nivel 1 para casos de inclemencia atmosférica, o partido deberá disputarse dentro do prazo sinalado anteriormente. Se finalmente e por falta de previsión do equipo local tivese que suspenderse definitivamente o encontro, o equipo local perderá este sen descontárselle puntos na clasificación e sen que se considere incomparecencia.

A FGB recomenda a todos os clubs que sexan propietarios de terreos de xogo cubertos e pechados que, dentro das súas posibilidades, utilicen nos mesmos canastras de pé, así como que teñan reposto de taboleiros para o caso de rotura accidental.

Os clubs deberán cumprir as prescricións previstas pola lexislación vixente no referente á prevención da Violencia nos Espectáculos Deportivos e serán os

responsables da seguridade de xogadores/as e árbitros no que respecta as instalacións deportivas, poñendo os medios necesarios para evitar accidentes extradeportivos no transcurso da actividade.

### **3.11. BALÓN OFICIAL DE XOGO.**

O balón oficial de xogo para esta categoría será de coiro da marca MOLTEN masculino. Non empregar o balón oficial levará consigo a sanción prevista no regulamento disciplinario.

### **3.12. OBRIGAS ESPECÍFICAS**

#### **• COMUNICACIÓN DE RESULTADOS**

O árbitro principal e o club local están obrigados a introducir o resultado o mesmo día do encontro na oficina Web de árbitros ou clubs, segundo sexa o caso.

#### **• GRAVACION DOS ENCONTROS**

O Comité de Árbitros da FGB solicitará, cun mínimo de 10 días de antelación á celebración do encontro, a copia da gravación do partido que poderá ser entregado en formato dixital tipo Web-transfer ou Dropbox, ata un máximo de TRES gravacións por temporada.

Esta filmación deberá incorporar integramente as imaxes e son do encontro, dende tres minutos antes do comezo do partido ata a retirada dos equipos e árbitros aos vestiarios, ao final do mesmo. Non obstante, é recomendable que a gravación se inicie coa chegada dos árbitros ao terreo de xogo (20 minutos antes do comezo do partido).

As imaxes e son deberán ter a calidade suficiente para que este poida ser visto de xeito correcto. En caso de non ser así, non será considerado como válido e requirirase ao club para unha nova gravación dun encontro diferente. Se esta anomalía se volve a repetir sería considerado como incumprimento das condicións indicadas neste artigo.

Será remitido ao CGAB por correo electrónico a [arbitros@fegaba.com](mailto:arbitros@fegaba.com), ou ben a través das súas delegacións, no transcurso dos 8 días seguintes ao encontro.

Non enviar a gravación nas condicións indicadas neste artigo, suporá unha sanción por parte do Comité Disciplinario.

### **3.13. RECOMENDACIÓNS**

Recoméndase a todos os clubs que fagan constar ao dorso da camiseta de cada xogador o seu nome en caracteres de cinco centímetros.